


ingeb




UNIVERZITET U SARAJEVU
INSTITUT ZA GENETIČKO INŽENJERSTVO I BIOTEHNOLOGIJU

UNIVERSITY OF SARAJEVO
INSTITUTE FOR GENETIC ENGINEERING AND BIOTECHNOLOGY

B&H ❖ 71000 Sarajevo ❖ Zmaja od Bosne 8 Kampus ❖ Tel: +387(0)33 220-926 & 215-778
❖ Fax: +387(0)33 442-891 ❖ E-mail: ingeb@ingeb.unsa.ba ❖ WEB: www.ingeb.unsa.ba

P R A V I L N I K

O REALIZACIJI ZAVRŠNIH STUDENTSKIH RADOVA U UNIVERZITET U SARAJEVU- INSTITUTU ZA GENETIČKO INŽENJERSTVO I BIOTEHNOLOGIJU



Sarajevo, decembar, 2016. godine

Na osnovu člana 4. Pravilnika o izmjeni i dopuni Pravilnika o realizaciji završnih radova I i II ciklusa studija u Univerzitet u Sarajevu-Institutu za genetičko inženjerstvo i biotehnologiju, broj: 578-3/16 od 07.12.2016. godine, sekretar Instituta je, 12.12.2016. godine, utvrdila prečišćeni tekst Pravilnika o realizaciji završnih studentskih radova u Univerzitet u Sarajevu-Institutu za genetičko inženjerstvo i biotehnologiju.

Prečišćeni tekst Pravilnika o realizaciji završnih studentskih radova u Univerzitet u Sarajevu-Institutu za genetičko inženjerstvo i biotehnologiju obuhvata Pravilnik o realizaciji završnih radova I i II ciklusa studija u Institutu za genetičko inženjerstvo i biotehnologiju, broj: 513-1/15 od 03.09.2015. godine i Pravilnik o izmjeni i dopuni Pravilnika o realizaciji završnih studentskih radova u Univerzitet u Sarajevu-Institutu za genetičko inženjerstvo i biotehnologiju, broj: 578-3/16 od 07.12.2016. godine u kojima su označeni dani stupanja na snagu.

P R A V I L N I K
O REALIZACIJI ZAVRŠNIH STUDENTSKIH RADOVA U UNIVERZITET U SARAJEVU-
INSTITUTU ZA GENETIČKO INŽENJERSTVO I BIOTEHNOLOGIJU
(Prečišćeni tekst)

Član 1.

Ovim Pravilnikom o realizaciji završnih studentskih radova u Univerzitet u Sarajevu-Institutu za genetičko inženjerstvo i biotehnologiju (u daljem tekstu: Pravilnik) se definišu kriteriji i uslovi za izbor studenata za realizaciju završnih radova u Institutu, a u cilju:

- unapređenja i popularizacije svih oblasti fundamentalne i primijenjene genetike i molekularne biologije;
- stimulacije kreativnosti studenata te
- jačanja interesa za originalni naučnoistraživčki rad kod najboljih studenata.

I i II ciklus

Član 2.

Realizacija završnih radova I i II ciklusa studija će se odvijati u skladu sa zahtjevom potencijalnog mentora/supervizora, uz prethodnu saglasnost šefa laboratorije.

Šef laboratorije dostavlja zahtjev Vijeću Instituta na konačno odobravanje, posebno za svaki predloženi završni rad.

III ciklus

Član 3.

Realizacija završnih radova III ciklusa se prvenstveno bazira na zajedničkom studiju III ciklusa Prirodno-matematičkog fakulteta (Odsjek za biologiju) i Univerzitet u Sarajevu-Institutu za genetičko inženjerstvo i biotehnologiju Univerziteta u Sarajevu (u daljem tekstu: Institutu).

Određeni članovi ovog Pravilnika se odnose na realizaciju završnih radova III ciklusa u sklopu drugih fakulteta Univerziteta u Sarajevu, te drugih univerziteta.

Član 4.

Interni poziv za realizaciju završnih radova III ciklusa se objavljuje jednom godišnje, osim u slučaju kada drugačije odredi Vijeće Instituta.



Prijavljivanje kandidata traje od dana raspisivanja do završetka upisa zimskog semestra III ciklusa studija Prirodno-matematičkog fakulteta Univerziteta u Sarajevu.

Pravo prijave na konkurs ima lice koje je upisano ili već pohađa III ciklus studija Prirodno-matematičkog fakulteta Univerziteta u Sarajevu.

Interni poziv se ne odnosi na zaposlenike Instituta koji su upisali ili pohađaju III ciklus studija.

Član 5.

Potencijalne teme predlažu šefovi laboratorija i to u broju koje odredi Vijeće Instituta.

U Internom pozivu se mora naglasiti da li se realizacija praktičnog dijela predložene teme finansira u sklopu postojećeg naučno-istraživačkog projekta ili djelimičnim finansiranjem od strane Kandidata.

Ukoliko se realizacija praktičnog dijela predložene teme finansira djelimičnim finansiranjem od strane Kandidata, Institut predočava Kandidatu okvirni budžet predviđen sufinansiranjem.

Kandidati nisu dužni izmiriti troškove korištenja laboratorijske opreme (*bench fee* za treći ciklus).

Član 6.

Ukoliko se prijavi više kandidata nego što je broj predloženih tema, Vijeće Instituta na svojoj sjednici vrši odabir kandidata na osnovu mišljenja potencijalnog mentora.

Ako se prijavi više kandidata za istu temu, Vijeće Instituta može donijeti odluku da ponudi dodatnu temu ili prepustiti potencijalnom mentoru da donese konačnu odluku o odaberu kandidata.

Član 7.

Ukoliko se radi o realizaciji završnih radova III ciklusa u sklopu drugih fakulteta Univerziteta u Sarajevu sa kojima Institut nema zajednički studij, ne objavljuje se interni poziv, već se dopisom potpisanim od strane direktora Instituta, obavještavaju fakulteti grupacija prirodno-matematičkih i biotehničkih nauka i grupacija medicinskih nauka Univerziteta u Sarajevu, da se njihovi studenti III ciklusa zajedno sa mentorima mogu prijaviti, popunjavajući obrazac sa dostavljenom dokumentacijom: prijedlog teme i mentora, predočen budžet i troškovnik za izvedbu eksperimenta.

Odobranje praktične realizacije završnih radova III ciklusa u sklopu drugih fakulteta Univerziteta u Sarajevu sa kojima Institut nema zajednički studij vrši Vijeće Instituta i to za svaki slučaj posebno.

Član 8.

Kandidati kojima je odobrena praktična realizacija završnih radova III ciklusa kako je navedeno u članu 7. ovog Pravilnika dužni su finansijski izmiriti troškove realizacije eksperimenta, troškove korištenja i amortizacije laboratorijske opreme, kao i laboratorijskog supervizora u iznosu koji je Institut predočio Kandidatu.

Kandidati nisu dužni izmiriti troškove korištenja infrastrukture Instituta (*bench fee* za treći ciklus).

U slučaju zajedničkog naučno-istraživačkog projekta Instituta i fakulteta u okviru kojih su obezbjeđena sredstva za realizaciju eksperimenta, Kandidat nije dužan izmiriti troškove realizacije eksperimenta, kao i troškove amortizacije i laboratorijskog supervizora.



Član 9.

Ukoliko se radi o realizaciji završnih radova III ciklusa u sklopu drugih univerziteta, ne objavljuje se interni poziv, niti se dopisom obavještavaju univerziteta da se njihovi studenti III ciklusa zajedno sa mentorima mogu prijaviti za praktičnu realizaciju završnih radova III ciklusa.

Studenti III ciklusa sa drugih univerziteta kao i njihovi mentori se mogu prijaviti za praktičnu realizaciju završnih radova III ciklusa, popunjavajući obrazac sa dostavljenom dokumentacijom: prijedlog teme i mentora, predočen budžet i troškovnik za izvedbu eksperimenta, potvrda univerziteta o prihvatanju teme (ukoliko postoji).

Odobranje praktične realizacije završnih radova III ciklusa u sklopu drugih univerziteta vrši vijeće Instituta i to za svaki slučaj posebno.

Član 10.

Kandidati kojima je odobrena praktična realizacija završnih radova III ciklusa kako je navedeno u članu 9. ovog Pravilnika dužni su finansijski izmiriti troškove realizacije eksperimenta, troškove korištenja i amortizacije laboratorijske opreme, kao i laboratorijskog supervizora u iznosu koji je Institut predočio Kandidatu.

Kandidati su dužni izmiriti troškove korištenja infrastrukture Instituta (*bench fee* za treći ciklus) u skladu sa troškovnikom koji će biti predočen Kandidatu od strane Instituta.

U slučaju zajedničkog naučno-istraživačkog projekta Instituta i drugih univerziteta u okviru kojih su obezbjeđena sredstva za realizaciju eksperimenta, Kandidat nije dužan izmiriti troškove realizacije eksperimenta, kao i troškove amortizacije i laboratorijskog supervizora, ali je dužan izmiriti troškove korištenja infrastrukture Instituta (*bench fee* za treći ciklus).

Član 11.

Svi kandidati kojima je odobrena praktična realizacija završnih radova III ciklusa potpisuju Ugovor o realizaciji praktičnog dijela završnog rada III ciklusa u Institutu.

Član 12.

Institut zadržava pravo da po potrebi a mimo ovog Pravilnika odabere i angažuje kandidate za realizaciju određenih aktivnosti i/ili projekata.

Član 13.

Ovaj Pravilnik donosi Vijeće Instituta, a izmjene i dopune vrše se na način i postupak propisan za njegovo donošenje.

Član 14.

Ovaj Pravilnik stupa na snagu danom donošenja.

Broj: 589/16

Datum: 12.12.2016. godine

